



LÁNAMÁL RÍKISINS

Kalkofnsvegi 1 150 Reykjavík
sími: 569 9600 bréfasími: 569 9604
netfang: lanamal@lanamal.is
veffang: <http://www.lanamal.is>

Til dagblaða, fréttastofa
og fjármálastofnana

Fréttatilkynning
28. desember 2012

Ársfjórðungsáætlun í lánamálum ríkissjóðs

Fyrsti ársfjórðungur 2013

- Á fyrsta ársfjórðungi verða boðin til sölu ríkisbréf í markflokkum fyrir 15-30 ma.kr.
- Útgáfa á nýjum 2 ára óverðtryggðum markflokki ríkisbréfa.
- Áformað er að bjóða út 3 eldri flokka ríkisbréfa þ.e. RIKB 14 0314, RIKB 22 1026 og RIKB 31 0124.
- Sala ríkisbréfa og ríkisvixla tekur mið af útgáfu í flokknum RIKS 33 0321 í tengslum við gjaldeyrisútboð Seðlabanka Íslands. Útgáfa ríkisbréfa á fyrsta ársfjórðungi verður þó að lágmarki 10 ma.kr.

Inngangur

Í ársáætlun fyrir árið 2013 var tilkynnt að seld yrðu ríkisbréf fyrir 90 ma.kr. á árinu. Á fyrsta ársfjórðungi er stefnt að því að selja ríkisbréf fyrir 15-30 ma.kr.

Fyrirhuguð útgáfa ríkisbréfa

Á fyrsta ársfjórðungi verður haldið áfram útgáfu í flokki RIKB 14 0314. Flokkurinn var fyrst gefinn út í mars 2012 og er nú 21 ma.kr. að nafnverði. Áfram verður haldið með uppbyggingu á 10 ára markflokknum RIKB 22 1026 sem fyrst var gefinn út í október 2011 og er nú 31 ma.kr. að nafnverði. Mögulega verður einnig gefið út í flokki RIKB 31 0124 sem er nú 33 ma.kr. að nafnvirði.

Á fyrsta ársfjórðungi verður boðið upp á nýjan óverðtryggðan 2ja ára markflokk. Áætlað er að selja í flokknum fyrir allt að 15 ma.kr. á fyrsta ársfjórðungi. Flokkurinn verður með sambærilega uppbyggingu og önnur markaðsskráð ríkisbréf. Nánari lýsing á gjalddögum, vaxtakjörum og skilmálum verður kynnt síðar en stefnt er að viðskiptavakt með flokkinn á eftirmarkaði. Möguleiki er að eigendum RIKB 13 0517 verði boðið upp á skiptiútboð í ársfjórðungnum. Upplýsingar um möguleg skiptiútboð verða birtar í tengslum við einstök útboð ríkisskuldabréfa.

Heildarútgáfa ríkisbréfa á fyrsta ársfjórðungi er áætluð á bilinu **15-30 ma.kr.** Áætluð hámarksútgáfa að nafnverði í einstökum flokkum er birt í eftirfarandi töflu.



LÁNAMÁL RÍKISINS

Áætluð útgáfa ríkisbréfa á fyrsta ársfjórðungi 2013

Fjárhæðir í ma.kr.	Útgáfa
Skuldabréfaflokkar	Hámark
RIKB 14 0314	10
RIKB 15 – nýr flokkur	15
RIKB 22 1026	10
RIKB 31 0124	10

Fyrirhuguð útgáfa ríkisvixla

Ríkisvixlaútgáfa verður með saman sniði og síðastliðin tvö ár. Mánaðarlega verða boðnir 6 mánaða ríkisvixlar með möguleika á viðbótarútgáfu þegar 3 mánuðir eru til gjalddaga. Staða ríkisvixla í lok árs 2012 er 39 ma.kr. og samkvæmt ársáætlun er gert ráð fyrir að staðan verði svipuð í lok árs 2013.

Áhrif aðgerða til losunar gjaldeyrishafta á útgáfu ríkissjóðs

Lánamál ríkisins birtu tilkynningu 25. mars 2011 samhliða áætlun ríkisstjórnar Íslands um losun gjaldeyrishafta, þar sem fram kemur að eigendum gjaldeyris yrði gefinn kostur á að kaupa krónur í gjaldeyrisútboðum Seðlabankans gegn því að binda þær í tilteknum flokki ríkisbréfa.

Aðilum sem taka þátt í gjaldeyrisútboðum verður boðið að fjárfesta í verðtryggða ríkisbréfaflokknum RIKS 33 0321. Ef gefið verður út í flokknum í tengslum við losun gjaldeyrishafta í ársfjórðungnum mun það hafa samsvarandi áhrif til lækkunar á sölu ríkisbréfa í hefðbundnum útboðum á árinu. Útgáfa annarra flokka en RIKS 33 0321 verður þó aldrei lægri en 10 ma.kr.

Frekari upplýsingar um útgáfur einstakra flokka ríkisbréfa og ríkisvixla verða birtar nokkrum dögum fyrir hvert útboð.

Nánari upplýsingar veitir Björgvin Sighvatsson hjá Lánamálum ríkisins í síma 569 9600.